

որոշակիորեն սահմանված մի մասը: Արևմտյան Հայաստանում դա կախված էր հողատիրոջ ցանկությունից, քանի որ պետության կողմից որոշակի սահմանված չափ չկար: Սոցիալական հարստահարումների հետ մեկտեղ արևմտահայ գյուղացին ենթարկվում էր նաև ազգային անհամեմատ ավելի դաժան ճնշման ու հալածանքների:

4. ԱՍՅԱՍՏԱՆԻ ԱՐԴՅՈՒՆԱՐԵՐՈՒԹՅՈՒՆԸ ԵՎ ԳՅՈՒԿԱՏՆՍԵՍՈՒԹՅՈՒՆԸ

Արդյունաբերություն: Արևելյան Հայաստանի միացումը Ռուսաստանին խոշոր իրադարձություն էր հայ ժողովրդի կյանքում: Դրա շնորհիվ հայերը զարգացման զգալի հնարավորություններ ստացան: Նրանց տնտեսական, հասարակական-քաղաքական ու մշակութային կյանքն սկսեց դուրս գալ լճացումից և բռնել առաջընթացի ուղին: Այդ առաջընթացն ավելի արագացավ հետոն-ֆորմյան ժամանակաշրջանում, երբ զարգացող ռուսական կապիտալիզմն իր հորձանուտի մեջ ներքաշեց կայսրության ծայրամասերը:

Վ. Ի. Լենինը ցույց է տալիս, որ հետոն-ֆորմյան ժամանակաշրջանում ռուսական կապիտալիզմը թափանցում է կայսրության ծայրամասերը և տնտեսապես նվաճելով, զաղութացնում դրանք: Նա հարց է դնում. «Ի՞նչ է զաղութը քաղաքատնտեսական իմաստով», և պատասխանում. «այս հասկացությունն հիմնական հատկանիշներն ըստ Մարքսի հետևյալներն են. 1) չզբաղված, ազատ հողերի առկայություն, որոնք գյուրամատչելի են վերաբնակիչներին. 2) աշխատանքի կազմավորված համաշխարհային բաժանման, համաշխարհային շուկայի առկայություն, որի շնորհիվ զաղութները կարող են մասնագիտանալ գյուղատնտեսական մթերքների մասսայական արտադրության մեջ, դրանց փոխարեն ստանալով արդյունաբերական պտրաստի արտադրանք. «որոնք այլ պայմաններում պետք է որ իրենք պատրաստեին»⁹⁵: Նշելով, որ և՛ ընդհանուր Ռուսաստանի հարավային ու արևելյան ծայրամասերը հետոն-ֆորմյան ժամանակաշրջանում արդեն դարձել էին նրա զաղութները, Վ. Ի. Լենինը շարունակում է. «զաղութի այս հասկացությունն է՛լ ավելի կիրառելի է մյուս ծայրամասերի նկատմամբ, օրինակ, Կովկասի: Նրա տնտեսական «նվաճումը» Ռուսաստանի կողմից շատ ավելի ուշ է կատարվել, քան քաղաքականը, իսկ տնտեսական այդ նվաճումը լիովին չի ավարտված մինչև այժմ էլ: Հետոն-ֆորմյան ժամանակաշրջանում՝ մի կողմից Կովկասը խիստ զաղութացման էր ենթարկվում, զաղութաբնակները մեծ չափերով հերկում էին հողերը (առանձնապես Հյուսիսային Կովկասում), վաճառքի համար արտադրելով ցորեն, ծխախոտ և այլն ու մեծ թվով գյուղական վարձու բանվորներ գրավելով Ռուսաստանից: Մյուս կողմից, սեղի էր ունենում դարավոր բնիկ «տնայնագործական» արհեստագործությունների արտադրումը, որոնք Մոսկվայից բերվող ֆարրիկատների մրցակցության հետևանքով անկում էին ապրում: Ընկնում էր զենքի հինավուրց արտադրությունը՝ Տուվայից ու Բելգիայից բերվող ապրանքների մրցակցության շնորհիվ, ընկնում էր երկաթի տնայնագործական մշակումը ռուսական բերովի արտադրանքի մրցակցության շնորհիվ, ինչպես նաև ընկնում էր պղնձի, ոսկու և արծաթի, կավի, ճարպի և սոդայի, կաշվի տնայնագործական մշակումը և այլն. այս բոլոր արդյունքներն ավելի էժան էին արտադրվում ռուսական ֆարրիկաներում, որոնք իրենց

ապրանքները Կովկաս էին ուղարկում: Ընկնում էր եղջյուրներից զավաթներ պատրաստելը՝ Վրաստանի ֆեոդալական կարգի անկման և նրա պատմական խնջույքների նվազման հետևանքով. ընկնում էր գլխարկի արհեստագործությունը՝ ասիական զգեստը եվրոպականով փոխարինելու հետևանքով. ընկնում էր տկերի ու կարասների արտադրությունը տեղական գինու համար, որն առաջին անգամ էր վաճառքի հանվում (ղարգացնելով տականագործական արտադրությունը) և իր հերթին նվաճում էր ռուսական շուկան: Այդպիսով, ռուսական կապիտալիզմը Կովկասը ներգրավում էր համաշխարհային ապրանքաշրջանառության մեջ, համահարթում էր հինավուրց նահապետական ինքնամիտիվածության մնացորդ հանդիսացող նրա տեղական առանձնահատկությունները, իր ֆաբրիկաների համար շուկա էր ստեղծում⁹⁶:

Հետոնֆորմյան ժամանակաշրջանում Անդրկովկասում և Արևելյան Հայաստանում արհեստագործության քայքայման հետ միասին տեղի ունեցավ տեղական համքարությունների կազմալուծում: Դարավերջին նրանք զգալիորեն կրճատվեցին, իսկ արտադրության մի շարք ճյուղերում բոլորովին վերացան⁹⁷:

Ցարական կառավարությունը ձգտում էր Անդրկովկասի ու Արևելյան Հայաստանի տնտեսությունն ի սպաս դնել ռուսական զարգացող կապիտալիզմի պահանջներին: Բայց այդպիսի կարևոր խնդրի լուծման համար անհրաժեշտ էր ամենից առաջ բարեկարգել ճանապարհները և փոխադրական միջոցները: Դեռ 1861 թ. Ալեքսանդր II-ը հավանություն էր տվել Կովկասի փոխարքա Բարյատինսկու առաջարկությանը՝ Փոթիից Թիֆլիս երկաթուղի անցկացնելու մասին: 1872 թ. հոկտեմբերի 10-ին երկաթուղին հանձնվեց շահագործման: 1883 թ. սկսեց գործել Թիֆլիս-Բաքու երկաթուղին: 1880—1890-ական թվականներին իշխանությունների ու կապիտալիստական տարբեր ընկերությունների կողմից կառուցվեցին նաև Սամտրեդիա-Բաթում, Քութայիս-Քղերուլի ու այլ երկաթգծերը և այդպիսով Անդրկովկասի արդյունաբերական ու հանքային հարստությունների գլխավոր կենտրոնները կապվեցին Կենտրոնական Ռուսաստանի հետ⁹⁸:


Արևելյան Հայաստանում երկաթուղու շինարարությունն սկսվեց 90-ական թվականների կեսերից և 1899 թ. հունվարի 1-ին շահագործման հանձնվեց Թիֆլիս—Ալեքսանդրապոլ գիծը: Երկաթուղիներին ղուգընթաց կառուցվեցին նաև խճուղիներ և սայլուղիներ: 1860—1890-ական թվականներին խճապատվեցին Թիֆլիս—Երևան—Ջուլֆա և Երևան—Նախիջևան—Շուշի—Եվլախ ճանապարհները: Դրանցից առաջինը Երևանը միացնում էր Թիֆլիսի, իսկ երկրորդը՝ Բաքվի հետ, Արաքսի հովիտը՝ Կուրի հովտի հետ: Թիֆլիս—Երևան—Ջուլֆա խճուղին տարանցիկ այն ճանապարհն էր, որը եվրոպայի առևտուրը կապում էր Ասիայի հետ:

⁹⁶ Նույն տեղում, էջ 753—755:

⁹⁷ См. С. А. Егиазаров, Исследования по истории учреждений в Закавказье, ч. II, городские цехи, организация и внутреннее управление закавказских амкарств, Казань, 1891; Վ. Ա. Աբրահամյան, Հայ համքարությունները Անդրկովկասի քաղաքներում (XVIII—XX դդ. սկզբին), Երևան, 1971:

⁹⁸ См. А. Аргутинский-Долгоруков, История сооружения и эксплуатации Закавказской железной дороги за двадцать пять лет ее существования (1871—1896), Тифлис, 1896:

Այդ նույն թվականներին Արևելյան Հայաստանում կառուցվեցին ու խճապատվեցին Ղարաքիլիսա-Համզաշիման, Ալեքսանդրապոլ-Համամլու, Նոր Բայազետ-Բաշնորաշեն, Էջմիածին-Աշտարակ, Ալիքուշակ-Խոշխարաբա, Երևան-Իգդիր և այլ ճանապարհները։ Կովկասի փոխարքայի դիվանատան կառավարիչ բարոն Նիկոլային 1872 թ. գրում էր, որ եթե «առաջ ճանապարհների կառուցումը պետք է ենթարկվեր առավելապես ուղղմական պահանջներին, ծառայելով երկրամասի հպատակեցման և այստեղ մեր տիրապետության հաստատման նպատակներին, իսկ հիմա՝ կովկասյան պատերազմի ավարտումից հետո ճանապարհները (ծառայում են) գերազանցապես առևտրի ու արդյունաբերության համար»⁹⁹։



Առաջին գնացքի մուտքն Ալեքսանդրապոլ (1899)

Հաղորդակցության միջոցների բարեկարգումը հնարավորություն տվեց ռուսական կապիտալիստներին մեծացնելու իրենց ապրանքների արտահանումը Անդրկովկաս։ Միայն հինգ տարվա ընթացքում (1872—1876) այդ արտահանումը կրկնապատկվեց, իսկ հետագա տարիներին ավելի քան տասնապատկվեց։ Ռուսական կապիտալիստներն Անդրկովկաս էին ներմուծում գերազանցապես արդյունաբերական ապրանքներ՝ բրդյա և բամբակյա գործվածքներ, մետաղյա արտադրանք, կաշվե ու փայտե իրեր, շաքար և այնտեղից արտահանում էին գյուղատնտեսական մթերքներ։

Ռուսական կապիտալիզմը նպաստեց երկրամասի տնտեսության զարգացմանը։ Անդրկովկասի հայ ղրամատներից շատերը սկսեցին իրենց միջոց-

⁹⁹ «Отчет по главному управлению наместника кавказского...», стр. 175—176.

ները առևտրական շրջանառության ոլորտից տեղափոխել արտադրության ոլորտը և ստեղծել զանազան գործարաններ ու ֆաբրիկաներ: Տեսնելով հանքային հանածոների արտադրության շահութաբերությունը, նրանք իրենց միջոցները ներդրեցին առավելապես լեռնային արդյունաբերության մեջ:

Շուտով արդյունաբերության այդ բնագավառում հայտնվեցին նաև օտարերկրացի կապիտալիստներ: 70-ական թվականներին Բաքվում հաստատվեցին շվեդացի Նոբել եղբայրները, իսկ 1880-ական թվականներին՝ Ֆրանսիացի Ռոտշիլդի ֆիրմայի ներկայացուցիչները, Գետաբեկի պղնձահանքերում՝ գերմանացի Սիմենս եղբայրները, իսկ Ախթալայում՝ Ֆրանսիացիները: Օտարերկրացիները տիրացան նաև Քութայիսի մարզանեցի և Ճիաթուրայի քարածխի հանքերին: Առանձնապես ակտիվ էին գործում անգլիացիները, որոնք ձգտում էին իրենց ձեռքը գցել Բաքվի նավթարդյունաբերությունը: Տեղական կապիտալիստներից շատերը շղիմանալով մրցմանը, ստիպված եղան մեկը մյուսի հետևից օտարել իրենց ձեռնարկությունները: 1890-ական թվականներին Բաքվի նավթարդյունաբերության մեջ արդեն մեծ դեր էին խաղում Նոբելը, Ռոտշիլդը և Վիշաուն: Անդրկովկասի լեռնային արդյունաբերությունն սկսեց արագորեն դարգանալ: Այսպես, Բաքվում նավթի հանույթը «1870 թ. կազմում էր 1,7 միլ. փութ, 1875 թ.՝ 5,2 միլ. փութ, 1880 թ.՝ 21,5 միլ. փութ, 1885-ին՝ 116 միլ. փութ, 1890 թ.՝ 242,9 միլ. փութ, 1895 թ.՝ 384,0 միլ. փութ, 1902 թ.՝ 637,7 միլ. փութ»¹⁰⁰:

Արևելյան Հայաստանում պղնձի արտադրության աճը համեմատաբար ուշ սկսվեց: 1870—1880-ական թվականներին Ալավերդում և Ջանդեղուրում հանքերի մշակումը տակավին կատարվում էր պարզունակ եղանակներով, տիրապետում էր ձեռքի աշխատանքը: Այդ վիճակը պայմանավորված էր մի կողմից Ռուսաստանում մետաղամշակման թույլ զարգացումով և ցարիզմի մաքսային քաղաքականությամբ, մյուս կողմից՝ տեղական կապալառուների ունեցած փոքր միջոցներով և ճանապարհների անբարեկարգ վիճակով: 1880-ական թվականներին նշանակալի քայլեր կատարվեցին պղնձի արտադրությունն ավելացնելու ուղղությամբ. 1885 թ. կառավարությունը համարյա երեք անգամ մեծացրեց երկիր ներմուծվող պղնձի մաքսը, մեկ փթի համար զանձեկով 1,5—3 ռուբ.¹⁰¹ 1868 թ. սահմանված 60 կոպ. դիմաց: 1880-ական թվականների վերջերին ու հատկապես 1890-ական թվականներին Ռուսաստանում արագ տեմպերով աճեց մետաղամշակման արդյունաբերությունը: 1887 թ. ֆրանսիական կապիտալիստների «Ախթալայի հանքերի ընկերությունը» վարձակալեց Ալավերդու պղնձահանքերը և որոշ բարեփոխումներ կատարեց: Այդ բոլորի հետևանքով Արևելյան Հայաստանում պղնձի արտադրությունն սկսեց դուրս գալ լճացումից և առաջադիմել: Եթե 1888 թ. Ալավերդում արտադրվել էր 1,8 հազար փութ, ապա 1896 թ. արտադրվեց 4,5 հազ. փութ պղնձ¹⁰¹: Պղնձի արտադրությունն աճեց նաև Ղափանում: Միայն «Սյունիք» պղնձաձուլական գործարանը, որը կառուցվեց Մելիք-Ազարյանցի կողմից՝ 1897 թ., 1897 թ. արտադրվող 11,5 հազ փթի դիմաց 1900 թ. արտադրեց 38,8 հազ.

¹⁰⁰ Վ. Բ. Լենին, *ԵԺ*, հ. 3, էջ 621:

¹⁰¹ Տե՛ս Մ. Ա. Աժոնց, *Экономическое развитие Восточной Армении в XIX в.*, Ереван, 1957, стр. 418.

փութ պղինձ: Արեւելյան Հայաստանում պղնձի արտադրութիւնը 1870 թ. արտադրող 13,4 հազ.-ից 1900 թ. հասավ 71,5 հազ. փթի, այսինքն 30 տարվա ընթացքում ավելի քան հնգապատկեց: XIX դարի վերջին քառորդում Անդրկովկասի պղնձի արտադրութիւնը, որը գտնվում էր առավելապես Արեւելյան Հայաստանում, իր տեմպերով առաջ անցավ Ռուսաստանի պղնձարտադրութիւն մի շարք շրջաններից և կայսրութեան մեջ գրավեց երկրորդ տեղը¹⁰²:

Արեւելյան Հայաստանում որոշ չափով զարգացավ նաև աղի արտադրութիւնը: 1880-ական թվականներին բոլոր աղահանքերն անցան հայտնի կապալառուներ Զանգուրդյանների ձեռքը, որոնք օգտագործելով որոշ կատարելագործված գործիւններ, բարձրացրին աղի հանույթն ու վաճառքը: Եթե, օրինակ, 1888 թ. Կողբում վաճառվել էր 153 հազ. փութ աղ ապա 1893 թ.՝ 568 հազ. փութ:

Առաջընթաց կատարվեց նաև գյուղատնտեսական արտադրանքի նախնական մշակման գործում: 80—90-ական թվականներին Արարատյան դաշտում մեկը մյուսի ետեից հիմնվեցին բամբակագտիչ ձեռնարկութիւններ, որոնց արտադրանքն ուղարկվում էր ռուսական տեքստիլ արդյունաբերութիւն կենտրոնները: Բնորոշ է, որ այժմ բամբակը գտնվում էր կատարելագործված «Ջին» մեքենայով, օգտագործվում էր ջրի, շոգու ուժը, կիրառվում էին նավթային շարժիչներ: Բամբակագործութիւն մասնագետ Ն. Պ. Տարատինովը 1888 թ. նշում էր. «Ներկայումս Եռանի նահանգում քիչ է հանդիպում բամբակի զտումը ձեռքերով, ինչպես այդ հաճախ տեղի էր ունենում 5—6 տարի սրանից առաջ... Նախնադարյան հնդկական «գուրկան» կամ «չազրիբը» դառնում են հազվագյուտ բաներ՝ գոնե Երևանի նահանգում»¹⁰³:

XIX դարի վերջին տասնամյակներում Արեւելյան Հայաստանում աշխուժացավ մետաքսաթելի արտադրութիւնը: Դրա գլխավոր կենտրոնը Շուշու գավառն էր: Մետաքսաթելի արտադրութիւնը զգալի չափով զարգացած էր նաև Նախիջևանի գավառում, հատկապես Օրդուբադում: Մետաքսաթելը ամբողջովին ուղարկվում էր Ռուսաստանի արդյունաբերական կենտրոնները:

Կաշվի մշակման հին ձեռնարկութիւնների կողքին երևան եկան նորերը, որոնք աչքի էին ընկնում կատարելագործված տեխնիկայով և համեմատաբար բարձր արտադրողականութեամբ: 90-ական թվականներին Երևանում գործում էր 18 կաշեգործական ձեռնարկութիւն՝ 100 բանվորով, իսկ Նախիջևանում՝ 6 ձեռնարկութիւն՝ 40 բանվորով¹⁰⁴, Նշանավոր էր հատկապես Գաբրիելյանի կաշեգործական ձեռնարկութիւնը, որը հիմնվեց Երևանում 1894 թ.: Նախնական մշակումից հետո կաշիները ուղարկվում էին Թիֆլիս, Քութայիս, Եկատերինոգրա, Դոնի-Ռոստով և այլ քաղաքներ:

Դեռևս 60-ական թվականների վերջերից սկսեց զարգանալ օղու և գինու արտադրութիւնը, բայց ցարիզմի հարկային (ակցիզային) քաղաքականութիւն հետևանքով այն շուտով խաթարվեց: 1873 թ. օրենքով յուրաքանչյուր մեկ աստիճան սպիրտից զանձվում էր մեկ կոպեկ: 1884 թ. այդ նորման բարձրացվեց հրեք կոպեկի, իսկ 1887 թ.՝ 5—6 կոպեկի: 1873 թ. օրենքով գի-

¹⁰² См. А. Д. Брейтерман, Медная промышленность России и мировой рынок, ч. II, Л., 1925, стр. 90, 113.

¹⁰³ «Труды Кавказского общества сельского хозяйства, год тридцать третий», сентябрь—декабрь, № 9—12, Тифлис, 1888, стр. 621.

¹⁰⁴ См. «Обзор Эриванской губернии за 1893 г.», вед. № 2.

նեկործույթամբ և օղեգործությամբ կարող էին զբաղվել այն անձինք, ովքեր ունեին 30 դուլլ տարողությոնից ոչ պակաս կաթնասու Այս քաղաքականության հետևանքով բազմաթիվ մանր գյուղացի-գինեգործներ ու օղեգործներ զուրս մղվեցին ասպարեզից: 1884 թ. նրանում զործող 74 օղեթորման սարքավորումներից 1886 թ. մնացին 12-ը: Դրություներ համարյա նույնն էր Արևելյան Հայաստանի նաև մյուս շրջաններում:



Պանածոների գործարանը Երևանում

Արտամղելով մանր արտադրողներին, կառավարությունը նպաստում էր խոշոր ձեռնարկությունների ծավալմանը: Երևան եկան գինեգործական և օղեթորման մի շարք գործարաններ: Երևանի նահանգում 1889—1893 թթ. օղու արտադրությունը 54 հազ. դուլլից հասավ 198.600 դուլլի, իսկ գինու արտադրությունը՝ 1896—1900 թթ. 546.000 դուլլից բարձրացավ 1.180.000 դուլլի¹⁰⁵: Ձեռնարկատերերի մի մասն սկսեց արտադրել լիկյորներ: Օղու արտադրությամբ Անդրկովկասում առաջին տեղը զբաղում էր Արևելյան Հայաստանը: Միայն Երևանի նահանգը տալիս էր երկրամասում արտադրված օղու 30—39 տոկոսը: Սակայն գինու արտադրության մեջ առաջնությունը պատկանում էր Վրաստանին:

80-ական թվականներին զարեջրի ձեռնարկություններ կառուցվեցին Երեվանում, Ալեքսանդրապոլում, Կարսում: 1889 թ. Երկրի քաղաքներում կար գարեջրի հինգ ձեռնարկություն:

XIX դարի վերջին սկսվեց կոնյակի արտադրությունը: Կոնյակի գործարան բացեց Ն. Քարիյանը (1887 թ.), ալիուհետև նրան հետևեցին Դ. Սարգսյանը, Կ. Աֆրիկյանը, Գ. Գյուղալովը, Բաբախանովը և ուրիշներ: Միայն չորս տար-

¹⁰⁵ Տե՛ս Օ. Է. Туманян, Экономическое развитие Армении, ч. I, Ереван, 1954, стр. 190—191.

վա ընթացքում (1890—1894) նրանց գործարաններում կոնյակի արտադրությունը 34.848 աստիճանից հասավ 767.996 աստիճանի կամ մեծացավ ավելիքան 22 անգամ¹⁰⁶։

Դարավերջին առաջագիմեց կաթնամշակումը, 80—90-ական թվականներին Նոր Բայազետի, Ալեքսանդրապոլի գավառներում, Կարսի մարզում ու Լոռիում հիմնվեցին տեղական, հոլանդական ու շվեյցարական պանիրներ արտադրող ձեռնարկություններ։ Տեղականը վաճառվում էր առավելապես Արևելյան Հայաստանում և Անդրկովկասի այլ շրջաններում, իսկ շվեյցարականն ու հոլանդականն արտահանվում էին Եվրոպական Ռուսաստանի զանազան քաղաքներ։

Արևելյան Հայաստանում զարգացան սննդի արդյունաբերության նաև այլ էջուղերը։ 1880-ական թվականներին Զոլոտարևն ու Բլանկենբուրգը Երևանում կառուցեցին սլահաժոնների պատրաստման և մրգի շորացման կիսամեքենայացված գործարան, իսկ Էջմիածնի գավառապետ Խան-Աղսվը 1882 թ. Վաղարշապատում հիմնեց ձկնի ձեռնարկություն, որը գործում էր շոգու օգնությամբ։

Նկատելի տեղաշարժեր կատարվեցին արդյունաբերության նաև այլ էջուղերում։ 1872 թ. Երևանում Անդրեաս Գալստյանը հիմնեց առաջագործական ձեռնարկություն, Ալի Հասան Օղլին՝ գինագործական արհեստանոց, Արոն Լեյբովիչը Ալեքսանդրապոլում բացեց եվրոպական ու ասիական հագուստների արհեստանոց, 80-ական թվականներին Դիլիջանում կառուցվեցին տակառագործական ու փայտաղացման, իսկ Ալեքսանդրապոլում՝ կոշկակարական, լվաժաղիկ (երիցուկի) մշակման ձեռնարկություններ։ 1892 թ. Ն. Տեր-Ավետիսյանը Երևանում հիմնեց մետաղամշակման և գյուղատնտեսական գործիքների արտադրության կիսամեքենայացված գործարան։ 90-ական թվականներին Սուրմալուի, Էջմիածնի և Ալեքսանդրապոլի գավառներում բացվեցին գորգագործական արհեստանոցներ, որոնց պատրաստած գորգերը վաճառքի էին ուղարկվում անգամ հեռավոր Մարսել։

Միաժամանակ երկրի քաղաքներում ու որոշ գյուղերում շարունակում էին գործել ոսկերչական, արծաթագործական, անագագործական, թաղիքագործական, թամբագործական, ինչպես նաև կառքերի, ֆուրգոնների ու սայլերի պատրաստման ու վերանորոգման արհեստանոցներ։

Այսպիսով, Արևելյան Հայաստանի արդյունաբերությունը թեև և՛սեղծ կապիտալիզմի շրջանը։ Սակայն ցարիզմի վարած գաղութային քաղաքականության հետևանքով երկրում խոշոր արտադրությունը դեռևս թույլ էր զարգացած։

XIX դարի վերջին Թուրքիան շարունակում էր տնտեսական լճացում ապրել։ Երկրում տիրապետող ռազմաֆեոդալական հետամնաց կարգերը խանգարում էին բուրժուական ձեռնարկումներին, խոչնդոտում նոր մեքենայական արտադրության արմատավորմանը։ Եվրոպական կապիտալիստական խոշոր տերությունների համար Թուրքիան դարձել էր տնտեսական ու քաղաքական անկաշկանդ ներթափանցման ասպարեզ։ Նրանք, օգտագործում էին բոլոր հնարավորությունները, որ գաղութացնեն Օսմանյան կայսրությունը և ստանան առավելագույն շահույթ։ Խոշոր տերություններն առատորեն Թուրքիա

¹⁰⁶ Տե՛ս Օ. Է. Туманян, Экономическое развитие Армении, ч. I, стр. 194.

էին ներմուծում արդյունաբերական ապրանքներ և այնտեղից արտահանում գյուղատնտեսական մթերքներ ու հանքային հանածոներ: Նրանք շահագործված չէին Թուրքիայի տնտեսական զարգացմամբ և իրենց վարած քաղաքականությամբ պահպանում էին երկրի մինչկապիտալիստական արտադրանաբերությունները: Սակայն որոշ զեպերում, ելնելով իրենց շահերից, կապիտալիստական առանձին իրավորումներ Թուրքայում ստեղծում էին արտադրական ձեռնարկություններ կամ կառուցում երկաթուղիներ և այդպիսով նպաստում նրա տնտեսական առաջընթացին: Մի շարք տեղերում այդ ձեռնարկումներին մասնակից էին դառնում նաև տեղական, հիմնականում հույն, հայ և հրեա կապիտալիստները:

Արևմտյան Հայաստանում եվրոպական խոշոր տերությունները չհիմնեցին կամ, համարյա չհիմնեցին, արդյունաբերական ձեռնարկություններ, չբարեկամեցին հաղորդակցություն միջոցները և համագործակցելով սուլթանի հետ, սաստկացրին աշխատավոր զանգվածների կեղերում ու շահագործումը: Այդուհանդերձ Արևմտյան Հայաստանի տնտեսության մեջ կատարվում էին որոշ տեղաշարժեր. երկրի մի շարք արհեստներ կատարելագործվում էին: Այսպես, կարինում հայ արհեստավորները պատրաստում էին հրաշալի կոշիկներ և նուրբ փորագրություններ անում պողպատի վրա, Վանում արտադրվում էին ոսկյա և արծաթյա զեղեցիկ իրեր, Մուշում՝ ոսկեզօծ զարդանախշերով կճուճներ, իսթրերզում գործում էին այնպիսի գորգեր, որ «մարդ կը զարմանա, թէ ի՞նչպես կը յաշողին այդպիսի զեղեցիկ ու պատշաճաւոր եղանակով իրարու յարմարացնել բազմազան երանգներն, զորս իրենք, կը ներկեն»՝ գործածելով զուտ տեղական բոյսեր և հանքեր¹⁰⁷:

Երկրի մի շարք վայրերում երևան են գալիս արհեստի նոր ճյուղեր կամ հին արհեստի նոր տեսակներ: Առաջադիմեց նաև կահույքագործությունը, դերձակությունն ու կոշակարությունը: Բնորոշ է, որ եթե առաջ դերձակները ձեռքով էին կարում, ապա 80-ական թվականներից՝ «Ձինգեր» մեքենայով, որի շնորհիվ «զերձակութիւնը օրէջցօր թն առաւ և սկսեց առաջ վազել. տարէջտարի օֆուանդ-թարդի»-ների (այսպես են կոչում մեքենայով գործող վարպետները...) թիւը շատանում է, և հագուստի ձևի մեջ նոր-նոր մոդաներ են մտնում¹⁰⁸: Վանում սկսեց զարգանալ ժամագործությունը:

Արհեստավորները գնալով վեր էին ածվում մտնը ապրանք արտադրողների, արտադրելով արդեն հիմնականում շուկայի համար և իրենց արտադրանքը վաճառում էին անձամբ կամ գնորդ առևտրականների միջոցով՝ տեղում ու հեռավոր վայրերում:

XIX դարի վերջին տասնամյակներում Արևմտյան Հայաստանում սկիզբ է առնում ու զարգանում կապիտալիստական մանուֆակտուրան: Ամենից առաջ այն երևան եկավ տեքստիլ արդյունաբերության մեջ: 1870-ական թվականներին Թուսմախյան եղբայրները Վանում հիմնում են կուսվագործական արհեստանոց: 80-ական թվականներին նրանց օրինակին են հետևում նաև ուրիշները: 1887 թ. Վ. Փափազյանը գրում էր, որ Վանում «նշանավոր են Թոխմախյանների, Փափամաճյանների, Չթլոց և այլ գործարանները, որտեղից արտադրում են ոչ միայն այդ (արա — խմբ), այլև շալ, կտավ, բրդյա նուրբ,

¹⁰⁷ «Մասիս», 1893, ապրիլի 24, էջ 252—253 (№ 3988):

¹⁰⁸ «Մուրճ», 1904, № 8, էջ 30:

ամեն զույններով և զարդերով վերարկուի և շալվարի կտորներ, ամառային հագուստների համար բամբակի զործվածքներ, մանուսա կոշիկող ուղղահայաց կարմիր գծերով «զորունի» (արխալուզ պճղեակոր) համար կտորներ և նույնիսկ վերջին ժամանակներս «էջրամներ» (կանացի ծածկոց)...)»¹⁰⁹։

Կարինում 1880-ական թվականներին (ավիլի կատարելագործեց իր արալի (բրդյա հաստ և կոպիտ զործվածք) ձեռնարկությունը և մեծացրեց արտադրությունը, իսկ ամերիկացի միսիոներ Չեյմպրսը 1897 թ. հիմնեց մանուսայի ձեռնարկություն¹¹⁰։ Արաբկիրում 80-ական թվականներին կար 15 մանուսալի, 9 մանածագործական և 18 սավանի կամ սփռոցի «գործարան»։ Դրանցից առանձնապես հռչակված էր Տիր-Պետերյան Պողոս էֆենդու մանուսայի ձեռնարկությունը¹¹¹։ Սրվանձալանցը 1879 թ. գրում էր, որ այն իր արտադրած զործվածքներով կարող է մրցել «Հալեպի և Շամի ալպրանքներուն հետ»¹¹²։ Խարբերդում կար կտավագործական երկու ձեռնարկություն, որոնք XIX դարի վերջին տարեկան արտադրում էին մոտ 1000 ոսկու կարմիր կտավ և արտահանում Կարին, Դիարբեքիր, Բալու, Քըղի և այլ վայրեր։ Կտավագործական ձեռնարկություններ կային նաև Բիթլիսում, Սղերդում, Դիարբեքիրում ու Երզնկայում։

Առաջագիմեց նաև կաշեգործությունը։ Երկրի մի շարք քաղաքներում ու գյուղերում գոյություն ունեցող հին ձեռնարկությունների կողքին բացվեցին նորերը, որոնք, ի տարբերություն հենրի, կաշիների և մորթիների մշակումը կատարում էին կատարելագործված եղանակով։ 1870-ական թվականներին նորատիպ կաշեգործական մի ձեռնարկություն կար Վանում։ Հետագայում այնտեղ կառուցվեցին նաև այլ կաշեգործարաններ. աչքի էր ընկնում հատկապես Պարթևյանի ձեռնարկությունը¹¹³։ Կարինում 1870-ական թվականներին գործում էր վեց ձեռնարկություն, որտեղ տարեկան մշակվում էին 10.000 եզան ու գոմեշի կաշի, 20.000 ուլխարի ու այծի մորթի։ Չքրուշում կային կաշեգործական մի քանի ձեռնարկություններ։ 1870-ական թվականներին կաշեգործությունը Չքրուշից ներթափանցեց Խարբերդի նահանգի Թլկատին գյուղը և լայն զարգացում ստացավ։ Կաշեգործությունն ավելի կամ ոչնչանալով չափերով տարածված էր նաև Մալաթիայում, Բիթլիսում, Երզնկայում ու այլ վայրերում։ Ձեռնարկատերերը կաշիների մշակման առաջավոր եղանակներին ծանոթացնել էին Ռուսաստանում, գլխավորապես Անդրկովկասում և Եվրոպայում։

Սպիրտային խմիչքների արտադրության մեջ աչքի էին ընկնում Կարինի երկու օղեթորանները, որոնցից նշանավոր էր Շամբանյան եղբայրների օղեթորանը, Խարբերդում և Բալուում արտադրում էին ընտիր գինի, որը հայտնի էր «Խարբերդի գինի» անունով։ Գինեգործությունը զարգացած էր նաև Վանի նահանգի մի շարք գյուղերում, հատկապես Շաղբաղում, որտեղ պատրաստում էին «ամենապատուական գինի, որ համբավ ունի ի Վան-Տոսպ, որպես Պորտույին» ի Ֆրանսիա»¹¹³։

109 Վ. Փափազյան, Երկրի ժողովածու, հ. 5, Երևան, 1959, էջ 407—408։

110 Տճ՝ Վ. Քյուզնեզյան, 1899, մարտի 16 (№ 423)։

111 Գ. Սրվանձալանց, Թորոս աղբար Հայաստանի ճամբորդ, մասն Ա, Կ. Պոլիս, 1379, էջ 281։

112 Տճ՝ Վ. Փափազյան, Երկրի ժողովածու, հ. 5, էջ 409։

113 Մ. Միքայելյան, Երվան աշխ., մասն Բ, էջ 249։

Արևմտյան Հայաստանում առաջադիմել էր նաև բրուտագործությունը: 90-ական թվականներին Վանի մերձակա Զրաշեն գյուղում բրուտագործներն աշխատում էին գետնահարկային 6—7 արհեստանոցներում, որոնք կոչվում էին բանտուններ կամ բանկատեղեր:

Տեղաշարժեր նկատվեցին Արևմտյան Հայաստանի արդյունաբերության նաև այլ ճյուղերում: Այսպես, 1880-ական թվականներին իտալացի կոմս Քոնտ դը Բիզանին Կարինում հիմնեց ծխախոտագործական ձեռնարկություն, որտեղ սկզբում աշխատում էին 50, իսկ հետագայում ավելի շատ բանվորներ: Նույն ժամանակաշրջանում մի հայ երգչկայում հիմնեց լուցկու ձեռնարկություն, բայց հենց որ լուցկիների տուփերի վրա երևաց «Լուցկիք Հայաստանի» մակագրությունը, թուրքական կառավարությունը փակեց ձեռնարկությունը:

Երկրի արդյունաբերության որոշ ճյուղերում երևան են գալիս նաև գործարաններ: Այսպես, 1880-ական թվականներին Քյուրբլյան եղբայրները և Գրիգոր Իփեքլյանը (Ֆարրիկաթոլյանը) խարբերդում և Մեզիրիում իրենց ձեռնարկությունները վերածեցին մետաքսամշակման գործարանների: Նրանք մեքենաներ ներմուծեցին Եվրոպայից ու Ամերիկայից, իսկ բանվորները հիմնականում տնտեսապես քայքայված հայ արհեստավորներ ու գյուղացիներ էին: 90-ական թվականների վերջերին նրանցից յուրաքանչյուրի ֆարրիկայում արդեն աշխատում էր շուրջ 300-ական մարդ: 1880—90-ական թվականներին Բարիկյան եղբայրները խարբերդում և վարպետ Ալեքսանդր Վանում, Ամիրիկայից ու Եվրոպայից բերելով համապատասխան սարքավորում, կառուցեցին կիսամեքենայացված մեքենաշինական գործարաններ: Նրանք արտադրում էին ջրհան մեքենաներ, բամհարներ, գյուղատնտեսական զանազան գործիքներ:

Արևմտյան Հայաստանում հանքային հարստությունները կաշմ տակավին չէին մշակվում, կամ մշակվում էին պարզունակ եղանակով: 1881 թ. Արզնի-Մաղենի պղնձահանքերում աշխատում էր 450 մարդ, որոնք տարվա մեջ բանում էին վեց ամիս՝ մայիսից մինչև հոկտեմբեր և արտադրում 50.000—60.000 կաֆ պղինձ¹¹⁴: Ստացված պղինձը իրացվում էր գերազանցապես երկրի ներսում՝ տեղական արհեստավորների ու տնայնագործների կողմից: Երկրի մյուս հանքերում շատ չնչին արտադրանք էր ստացվում:

Արևմտյան Հայաստանում մասնավոր ձեռնարկությունների կողքին կային նաև պետական և պատրիարքապատկան հատ ու կենտ ձեռնարկություններ: Պետականում աշխատում էին հիմնականում զինվորները, իսկ պատրիարքապատկանում՝ անշարիահաս որբերը: Առաջինները հանդերձանք էին արտադրում թուրքական բանակի, իսկ երկրորդները՝ հայ որբերի համար:

Այսպիսով, XIX դարի վերջին տասնամյակներում Արևմտյան Հայաստանի արդյունաբերության հին ձևերի կողքին առաջ եկան նորերը՝ մանուֆակտուրան ու գործարանը: Սակայն դրանք դեռ փոքրաթիվ էին և թույլ զարգացած:

Արդյունաբերության զարգացման տեսակետից Հայաստանի Արևելյան ու Արևմտյան հատվածներում կային լուրջ տարբերություններ: Արևմտյան Հայաստանում տակավին շարունակում էին գերիշխել արդյունաբերության ցածր ձևերը՝ արհեստը ու մանր ապրանքային արտադրությունը, մինչդեռ Արևելյան

114 Տե՛ս ՍՍՄՄ ՊԿՌՊԿ, ֆ. 1300, ց. 26, գ. 14, ք. 42:

Հայաստանում այդ ձևերն արդեն մղվում էին հտին պլան, իրենց տեղը դիջելով արդյունաբերության համեմատաբար բարձր ձևերին՝ մանուֆակտուրային ու գործարանին: Առաջինում կապիտալիստական արտադրությունն առաջացել էր արդյունաբերության սակավաթիվ ճյուղերում, իսկ երկրորդում՝ համեմատաբար շատ ճյուղերում:

Գյուղատնտեսություն: Ետեֆորմյան տարիներին ցարական կառավարությունը, ձգտելով Արևելյան Հայաստանի գյուղատնտեսությունը ծառայեցնել ռուսական կապիտալիզմի շահերին, նպաստեց նրա մի շարք ճյուղերի առաջընթացին: Բամբակադործության զարգացման համար դեռ 1870 թ. իշխանությունները երկարատև վարձակալությամբ զեներալ Կախանովին տվեցին Երևանի գավառի Արաղդայանի տափաստանը՝ 10.000 դես. և 1872 թ. Շարուր-Դարայազյազի գավառապետ Շան-Գիրեյին՝ նույն գավառի Կիր հոգամասը՝ 1950 դես. տարածությամբ: Նրանք մտցրին որոշ բարելավումներ և բարձրացրին բամբակի արտադրությունը:


1879 թ. կառավարությունը արտասահմանից ներմուծվող բամբակի վրա մարս սահմանեց՝ փթին 40 կոպ. չափով, այնուհետև այդ մարսը պարբերաբար բարձրացրեց՝ 1891 թ. հասցնելով 1 ռուբ. 20 կոպեկի: 1883 թ. Երևանի մոտերքում՝ Նախկին Սարգարի ալգում, հիմնվեց բամբակի պետական փորձադաշտ և միաժամանակ թուլյատրվեց ձեռնարկատերերին ու բնակչությանը առանց մարսի ներմուծել բամբակի բարձրորակ սերմ, ինչպես նաև բամբակազտիչ կատարելագործված «Ջին» մեքենաները:

Ռուս կապիտալիստները ևս խթանեցին բամբակադործության զարգացմանը: Արևելյան Հայաստանում հայտնվեցին «Սավվա Մորզովի և Նիկոլայան մանուֆակտուրային ընկերության» (1884), «Անդրեյ Կորզինկինի մեծ Յարոսլավյան մանուֆակտուրային ընկերության» (1886), Մոսկվայից Ալեքսեևի, Լոժից՝ Պոզնանսկու, իսկ Թիֆլիսից՝ Չիթախովի մանուֆակտուրային ֆիրմաների (1887) ներկայացուցիչները: Նրանք բնակչությանը ձրի բաժանեցին ամերիկյան լավորակ սերմեր, տրամադրեցին «ջիներ», բամբակադործության տեխնիկան ուսումնասիրելու նպատակով մի խումբ երիտասարդների ուղարկեցին Ամերիկա: Այս ամենի շնորհիվ 19 տարվա ընթացքում (1880—1899) Երևանի նահանգում բամբակի արտադրությունը 81 հազարից հասավ 406 հազար փթի կամ աճեց 5 անգամ¹¹⁵, Տեղական ցածրորակ «կարագոզ» (սև տփիկ) բամբակը փոխարինվում էր ամերիկյան բարձրորակ տեսակով: 1890 թ. Երևանի նահանգում ամերիկյան տեսակի բամբակն արդեն կազմում էր հավաքած ամբողջ բերրի մոտ 70 տոկոսը: Բամբակենին այնքան շահութարեք դարձավ, որ գյուղացիներն սկսեցին ընդարձակել դաշտերը՝ այլ կուլտուրաների ցանքատարածությունների կրճատման հաշվին: 1890-ական թվականների սկզբներին ժամանակակիցներից մեկը գրում էր, որ Երևանի նահանգում բամբակի ցանքերն ընդարձակվում են. «Բամբակենին կամ արդեն արտամղել է ուրիշ՝ գյուղատնտեսության սակավարժեք կուլտուրաները, կամ նրանց չափերը հասցրել նվազագույնի, ինչպես օրինակ, ցորենի, գարու, կտավատի, բրնձի և այլն»¹¹⁶:

¹¹⁵ Տճ՝ «Памятная книжка Эриванской губернии на 1902 г.», отд. IV, стр. 127.

¹¹⁶ «Труды императорского кавказского общества сельского хозяйства», Тифлис, 1893, т. 3—4, стр. 117.

1880—1890-ական թվականներին Արևելյան Հայաստանը դարձավ Անդր-կովկասի բամբակի արտադրության գլխավոր կենտրոնը: 1900 թ. Երևանի նահանգում բամբակի ցանքերը կազմում էին 25 հազ., Ելիսավետպոլի նահանգում՝ 10 հազ., Բաքվի նահանգում՝ 3 հազ., Քուսայիսի նահանգում՝ 3 հազ., իսկ Թիֆլիսի նահանգում Զաքաթալայի օկրուգի հետ միասին՝ 0,4 հազ. դեսյատին¹¹⁷: Երկրամասի բամբակը համարյա ամբողջապես արտահանվում էր Ռուսաստանի արդյունաբերական կենտրոնները:



Արար լծով, գոլթան անիվներով, շարժացան արար և ոռոտական լուծ

Հետոնֆորմյան տարիներին Արևելյան Հայաստանում աճեց նաև խաղողի արտադրությունը: 1870 թ. հավաքված 984 հազ. փթի դիմաց 1880 թ. հավաքվեց 1085 հազ. փուխ խաղող: Սակայն 1880-ական թվականներին ցա-

¹¹⁷ Տե՛ս «Краткие сведения о состоянии на Кавказе сельского хозяйства», Тифлис. 1900, стр. 9.

րիղմի հարկային քաղաքականության հետևանքով խաղողի արտադրության տեմպերն ընկան: Մի շարք տեղերում նույնիսկ խաղողի այգիները վերացվեցին: Գյուղացիներն անշահավետ համարելով խաղողագործությունը, զբաղվեցին այլ կուլտուրաների, զլխավորապես բամբակենու մշակությամբ: Բայց 1880-ական թվականների վերջերից սպիրտային խմիչքների արտադրության զարգացման շնորհիվ խաղողի այգիները նորից սկսեցին ընդարձակվել: Միայն տասը տարվա ընթացքում (1885—1895) Երևանի նահանգի հինգ գավառներում խաղողագործությամբ զբաղվող գյուղերի թիվը 282-ից հասավ 325-ի, իսկ խաղողի բերքը՝ 1111 հազարից 1771 հազար փթի¹¹⁸: Խաղողի արտադրության զլխավոր կենտրոններն էին Երևանի և էջմիածնի գավառները, որտեղ գտնվում էին այգիների մոտ 70 տոկոսը¹¹⁹: Մեկ ղեկայտին տարածությունից ստացվում էր 200—400 փութ խաղող:

Մակայն Արեւելյան Հայաստանը խաղողագործությամբ Անդրկովկասում զբաղում էր վերջին տեղը: 1898 թ. Թիֆլիսի նահանգում կար 20 հազար, Բուխարյայի նահանգում՝ 25, Ելխավոստպոլի նահանգում՝ 11, Բաքվի նահանգում՝ 10, իսկ Երևանի նահանգում՝ միայն 8 հազար ղեկայտին խաղողի այգի¹²⁰:

Գնալով ալիլի ու ալվիլի ապրանքային նշանակություն էր ստանում այգեգործությունը: Խնձորի, տանձի, դեղձի, ծիրանի և այլ մրգերի վաճառքով զբաղվում էին հատկապես Երևանի, էջմիածնի ու Նախիջևանի գավառների այգեգործները: XIX դարի վերջին այգեգործությունը զարգացավ նաև Կարսի մարզում և որոշ շրջաններում դարձավ բնակչության նույնիսկ հիմնական զբաղմունքը: Այդ տեսակետից աչքի էին ընկնում Կաղզվանի օկրուգի Խար, Կարաբաղ, Կերս, Պակրան և այլ գյուղերը, Օլթիի օկրուգի Քաուսկերի տեղամասը, ինչպես նաև Օլթի ու Փոցխով գետերի հովիտները: Կարսի նահանգապետը 1895 թ. գրում էր, որ Կաղզվանում այգեգործությունը բնակիչների գոյության հիմնական աղբյուրն է: Նրանք թարմ ու չորացրած մրգերը նախալեռնային գյուղերում փոխանակում էին ցորենով ու այլ կենսամթերքներով, իսկ մասամբ էլ վաճառում հենց Կաղզվանում և Կարսում¹²¹: 1897 թ. Կարսի մարզում արգեն կար 2022 ղես. այգի:

Հետոնֆորմյան տարիներին սերտացավ նաև բանջարաբուծության կապը շուկայի հետ: Գյուղացիներն սկսեցին ալիլի շատ վաճառել սեխ, ձմերուկ. սոխ և վարունգ: Երևանի նահանգում բանջարաբուծության կենտրոններն էին Սուրմալուի և էջմիածնի գավառների քաղմաթիվ գյուղերը: Բանջարեղենը ուղարկվում էր վաճառքի առավելապես երկրի նախալեռնային և լեռնային շրջանները: Բանջարաբուստանային կուլտուրաների արտադրությունը զարգացավ նաև Կարսի մարզում: Քուրբակյան տիրապետության ժամանակ բանջարաբուծությունն այնտեղ ճհամարյա անհայտ էր, մարզում այն մտցրին զլխավորապես ռուսները և մասամբ Ալեքսանդրապոլի գավառից գաղթած հայե-

¹¹⁸ ՏՃ՝ Մ. Балаас, Виноделие в России, СПб., 1897, ч. III, стр. 223—225.



¹¹⁹ ՏՃ՝ «Обзор Эриванской губернии за 1897 г.», стр. 5.

¹²⁰ ՏՃ՝ В. Д. Мочалов, Крестьянское хозяйство в Закавказье к концу XIX в., М., 1958, стр. 229.

¹²¹ ՏՃ՝ «Обзор Каресской области за 1896 г.», стр. 12.

րը»¹²²։ Շուտով բանջարաբուծությունն այնքան լայն տարածում ստացավ, որ մարզի անդամ կիսաբուշվոր քրդերն սկսեցին ղրաղվել ղրանով։

Տեղաշարժեր կատարվեցին նաև հացահատիկի արտադրության մեջ։ 1870-ական թվականներին Արևելյան Հայաստանի ցորենն ու զարին սպառվում էր հիմնականում երկրի ներսում։ Բայց 1880-ական թվականներին, երբ կառուցվեց Թիֆլիս-Բաքու երկաթուղագիծը, իսկ նվթրպայում բռնկվեց հա-



1. ձառնառ. 2. կամ

մատարած սովը, Հայաստանի հացահատիկն ղգալի չափով սկսեց արտահանվել նաև արտասահման։ Երկրի որոշ շրջաններ ղարձան հացահատիկի արտադրության կենտրոններ (Ալեքսանդրապոլի ու Նոր Բայազետի ղավառները և հատկապես Կարսի մարզը)։ Սակայն 1890-ական թվականներին պատկերը փոխվում է, երբ Ռուսաստանի հացահատիկը լայնորեն մուտք է գործում Անդրկովկաս և մրցակցությանը չդիմացող գյուղացիներից շատերը գերադասում են ղրաղվել գյուղատնտեսական այնպիսի մթերքների արտադրությամբ, որոնք նոր պայմաններում ավելի շահաբեր էին։

Բրնձի արտադրությունն Արևելյան Հայաստանում արագորեն աճեց,

¹²² «Район Тифлиско-Кареско-Эриванской железной дороги в экономическом и коммерческом отношениях, исследования А. М. Аргутинского-Долгорукова, В. П. Бочкарева и Р. И. Даниловича», Тифлис, 1897, стр. 419—420.

1876—1878 թթ. 342 հազար շտովերտից 1895—1897 թթ. հասնելով 1046 հազար շտովերտի (1 շտովերտը = է 9 փթի)։ Բրնձագործության զլխավոր շրջանը Երևանի և Շարուր-Դարալագյազի գավառներն էին, ուր տեղավորված էր նրա ցանքատարածությունների մոտ 80 տոկոսը։ Անդրկովկասում Արևելյան Հայաստանը հացահատիկի ու բրնձի արտադրության մեջ գրավում էր երկրորդ տեղը, առաջնությունը զիջելով Ադրբեջանին։

Տեղաշարժեր կատարվեցին Արևելյան Հայաստանի երկրագործության նաև երկրորդական ճյուղերում։ Շերամապահությունը, որը սկսած 1860-ական թվականներից անկում էր ապրում, 1880-ական թվականներին Ռուսաստանում և Անդրկովկասում մետաքսագործության զարգացման հետևանքով նորից է առաջադիմում։

Յուզատու բույսերի՝ կտավատի, բունջուրի, վուշի, կանեփի ցանքատարածությունները 1870-ական թվականներին ընդարձակվում էին։ Բնակիչները զրանցից ստացվող ձեթը կամ օգտագործում էին իրենց տնտեսություններում, կամ վաճառում։ Սակայն 1880—1890-ական թվականներին, ցարիզի վարած հարկային քաղաքականության և Բաքվի նավթի որպես վառելիանյութ ներթափանցման հետևանքով, այդ կուլտուրաների ցանքատարածությունները կրճատվեցին, իսկ արտադրությունն ընկավ։

Հեռուստորմյան տարիներին Արևելյան Հայաստանի անասնապահության մեջ տեղի ունեցան յուրատեսակ փոփոխություններ։ Խոշոր եղջերավոր անասունների զխաքանակն աճում էր։ Երևանի նահանգում ու Կարսի մարզում 1886 թ. կար 465 հազ., իսկ 1900 թ.՝ 917 հազ. խոշոր եղջերավոր անասուն։ Բնակչության մեկ շնչին 1886 թ. ընկնում էր միջին հաշվով 0,75, իսկ 1900 թ.՝ 1,2 զլուխ խոշոր եղջերավոր անասուն։ Սակայն մանր եղջերավոր անասունների զխաքանակը նվազում էր¹²³։ Այդ փոփոխությունները պայմանավորված էին, մի կողմից, անասնապահության ավելի խոր ներգրավումով ապրանքադրամական հարաբերությունների մեջ, իսկ մյուս կողմից՝ կիսաբուլղոսական ու քոչվորական անասնապահության քայքայումով։ Նստակյաց բնակիչները, հատկապես ունեւորները, առևտրական նպատակներով մեծացնում էին խոշոր եղջերավոր անասունների զխաքանակը, իսկ քոչվոր ու կիսաքոչվոր քրդերն ու ադրբեջանցիները նոր պայմաններում տնտեսապես քայքայվում էին ու զրկվում մանր եղջերավոր անասուններից։ Այդուհանդերձ Արևելյան Հայաստանում առևտրային անասնապահությունը զարգանում էր։ Աչքի էին ընկնում Կարսի մարզը, Լոռին, Ալեքսանդրապոլի ու Նոր Բայազետի գավառները և Դարալագյազը։ Գետոջ առևտրականներն ու հարուստ գյուղացիներն Ալազյազի, Գեղամա, Չլդիրի, Արգահանի, Գելի և Դարալագյազի արգավանդ արոտավայրերում ու մարգագետիններում գիրացնում էին սեփական ու զնած անասունները և ամեն տարի հազարներով վաճառում Անդրկովկասի ու Հայաստանի արդյունաբերական կենտրոններում։ Բացի մաստու անասնապահությունից, զարգանում էր նաև մթերային ու կաթնամթերային անասնապահությունը։

Այսպիսով, XIX դարի վերջին Արևելյան Հայաստանի գյուղատնտեսության բոլոր ճյուղերն արդեն ներգրավված էին շուկայական հարաբերությունների մեջ։ Ռուսական կապիտալիզմի պահանջներին համեմատ ապրանքային

¹²³ Տե՛ս А. С. Амбарян, Развитие капиталистических отношений в армянской деревне (1860—1920), Ереван, 1959, стр. 68.

բնույթ էր ստացել ամենից շատ բամբակագործությունը, ապա խաղողագործությունը, անասնապահությունը և այլն, ի տարբերություն նախորդ տարիների, երբ գյուղացիներն իրենց ստացած արդյունքները վաճառում էին առավելապես անմիջական սպառողներին, ետեհֆորմյան շրջանում հրապարակ էին եկել գնորդ-առևտրականները, որոնք արգեն թափանցել էին գյուղատնտեսության համարյա բոլոր ճյուղերը:

Առևտրական հողագործության զարգացման շնորհիվ հարուստ գյուղացիները կիրառում էին արտադրության կատարելագործված գործիքներ, բարելավում էին գյուղատնտեսական կուլտուրաները, տեղական ու խաարներն ու այծերը փոխարինում ներմուծված ավելի մթերատու ոչխարներով ու այծերով:

Արևմտյան Հայաստանի բնակչի մայական պայմանները հնարավորություն էին տալիս մշակելու ընդարձակ տարածություններ և աճեցնելու գյուղատնտեսական բազմազան կուլտուրաներ: Սակայն տիրապետող տնտեսական ու քաղաքական կարգերի պատճառով մշակվում էր երկրի միայն փոքր մասը: Ենթակվելով անձի ու գույքի անապահովության սարսափների, պետական ու



Առուավար

Ֆեոդալական հարստահարումների, ինչպես նաև վաշխառուական կեղեքումների, գյուղացիներն ի վիճակի չէին մեծացնելու երկրագործական մթերքների արտադրությունը: 1891 թ. «Մուրճը», գրում էր, որ «խիզանցիք սաստիկ վախենում են շատացնել իրենց անասունները, որպեսզի «շան և գելի» փայլառնան»¹²⁴: Կամ՝ Մուշի դաշտում կապալառուները «պարտեզներու, այգիներու բանջարեղեններին ու պտուղներին ծանր տուրք կը պահանջեն և գիւղացիք այս պատճառով դադրեցուցած են ասոնց մշակությունը»¹²⁵: Ցածր էր բերքատվությունը, հին ու անարդյունավետ էին գյուղացու հողագործական գործիքներն ու միջոցները:

124 «Մուրճ», 1891, № 2, էջ 222:

125 «Գրողակ», 1901, № 1, էջ 26:

Օսմանյան կառավարության կողմից խրախուսվող աղաները ոչնչացնելով ու արտաքսելով հայերին, նրանց ցանքատարածությունները վեր էին ածում արտաքսվածների և այգիխող արդյակում գյուղատնտեսության զարգացումը:

Արևմտահայ գյուղացիներն այդ պայմաններում նույնիսկ զբաղվում էին պապենական գյուղատնտեսությամբ, ցանում էին ցորեն, զարի, բրինձ, վարսակ, բամբակ, ծխախոտ, աճեցնում մրգեր ու հատապտուղներ: Հացահատիկ մշակվում էր գերազանցապես Բասենի, Ալաշկերտի, Բուլանըխի, Կարճկանի, Արճակի, Ալշավազի, Արճեշի, Խարբերդի, Բալուի շրջաններում, ինչպես նաև Դերբանի գետահովիտներում, Բրինձ մշակվում էր Զուլամերկի ցածրադիր մասերում, բամբակն ու շերամը՝ Խարբերդի, Դիարբեքիի դաշտերում ու Տալիս-բիկի ձորերում, ծխախոտը՝ Բաղեշի ու Մուշի գավառներում և Լեբյաբիի Շամ-դինան գավառակում, հնդկական կանեփ՝ Խարբերդի ու Մալաթիայի գավառներում և այլն:

Այգեգործությունն ու բանջարարածությունը տարածված էին Քորթումում, Կիսկիմում, Սպերում, Բիթլիսի ու Մուշի գավառներում, Խարբերդի ու Մալաթիայի դաշտերում, Բալուում և հատկապես Արզնի-Մաղենում¹²⁶,

Անասնապահությամբ զբաղվում էին Նորդուզում, Խոշարում, Աղբակում, Մոկսում, Արճեշում, Խիզանում, Սասունում, Բուլանըխում, Դերսիմում, բայց ավելի շատ Բյուրականի (Բինգյուլի) արոտավայրերում: «Ո՛ր մի լեռնային շրջան,— գրում էր Ա—Դոն,— չի կարող խաշնարածության հումար ալնպիսի հարմար վայր հանդիսանալ, ինչպիսին է Բինգյուլան շրջանը: Դա մի մեծ լեռնազորախոտ է իր արոտներով և հովառուն խոտատեղիներով»¹²⁷:

XIX դարի վերջին տասնամյակներում Արևմտյան Հայաստանի գյուղատնտեսությունը ներգրավվել էր ապրանքադրամական հարաբերությունների մեջ: Երկրի հացահատիկային գլխավոր շրջանները ցորենն ու զարին արտահանում էին արդյունաբերական կենտրոններն ու անասնապահական վայրերը: Խարբերդի գավառը հացահատիկը գերազանցապես արտահանում էր Արաբկիր, Չարսանջակը՝ Դերսիմ, Դերշանը՝ Քըղի, Ալաշկերտը՝ Վանի և Բիթլիսի նահանգների անասնապահական շրջանները: Բրինձը Զուլամերկից արտավում էր Մոսուլ, իսկ Դիարբեքիի և Բիթլիսի նահանգներից՝ Վանի նահանգ: Մերզերն ու հատապտուղները երկրի ցածրադիր շրջաններից ուղարկվում էին լեռնային շրջանները: Արաբկիրից արտահանվում էր հիմնականում թուֆ, Խարբերդից՝ սերկևիլ և նուշ, Քորթումից, Կիսկիմից և Սպերից՝ ղեղձ, տանձ, բալ ու կեռաս, իսկ Արտամետից՝ խնձոր:

Շուկայական հարաբերությունների մեջ էր ներգրավվել նաև անասնապահությունը: Անասունների առևտուրը համեմատաբար զարգացած էր Վանի, Կարինի, Բիթլիսի և մասամբ Դիարբեքիի նահանգներում: Արևմտյան Հայաստանից ապրանքային անասունների մեծ մասն ուղարկվում էր Եգիպտոս, Սիրիա, Լիբանան և Կ. Պոլիս, մասամբ նաև Ռուսաստան, գլխավորապես Անգլիային: Մորթին ու բուրդը արտահանվում էին Եվրոպա, առավելապես Ֆրանսիա, իսկ կաթնեղենը՝ Թուրքիայի եվրոպական մասերը՝ գլխավորապես Կ. Պոլիս:

126 Գ. Սեփանյանց, Քորթու աղբար..., մասն Բ, էջ 185:

127 Ա—Դո, Էջմած աշխ., էջ 182:

Երկրի գյուղատնտեսական ճյուղերից ամենից շատ ապրանքադրամական հարաբերությունների մեջ էին ներգրավված շերամապահությունն ու բամբակագործությունը, ապա անասնապահությունը, այնուհետև՝ այգեգործությունն ու բանջարաբուծությունը և, վերջապես, հացահատիկների արտադրությունը:

XIX դարի վերջին քառորդում Արևմտյան Հայաստանի գյուղատնտեսությունը գտնվում էր ավելի հետամնաց վիճակում, քան Արևելյան Հայաստանինը: Առաջինում շինականները շարունակում էին մշակել իրենց պապերից ժառանգություն ստացած կուլտուրաների տեսակները, մինչդեռ երկրորդում ներմուծում էին նոր տեսակներ, որոնք հատկանշվում էին բարձր որակով ու



Գութանավոր

բերքատվությամբ: Արևմտյան Հայաստանում ուղղման սիստեմը չէր կատարելագործվում ու ընդլայնվում, մինչդեռ Արևելյան Հայաստանում այն առաջադիմում էր: Հայաստանի երկու հատվածներում էլ անասնապահությունն ընդունել էր ասլանաբային բնույթ: Նրա արևմտյան մասում զարգանում էր համարյա բացառապես մսային, իսկ արևելյան մասում՝ նաև կաթնամթերային անասնապահությունը: Այդ տարբերությունները բխում էին Ռուսաստանի ու Թուրքիայի սոցիալ-տնտեսական ու հասարակական-քաղաքական տարբերություններից: